

三孔先生清江文集卷六

禮部侍郎孔武仲 常父

古詩

錢穆仲有高麗松扇館中多得者以詩求之

巨鰲昂頭鯨掉尾東顧滄溟百家作天接水錢公涉

險如通渠破帆一作舟一抹三千里島夷之國遠且偏

歸來逢人語輒喜大荒茫、最宜松直從曠野連深

宮聽轂卧影已不俗况作團扇搖清風一云國人裁

團扇饒人情重遠由來事不貴黃金貴楛矢况有新

詩傳四方群豪追隨弄薦章我雖相見無所得坐憶

松鶴生微涼

往年在廬山見僧房有高麗松扇斂之不盈寸舒之則雪山松鶴意趣遠甚遠

錢公治迹壓張趙偷兒破膽皆摧藏桴鼓不鳴已三

月凜：霜威破殘熱從公覓扇更覓詩願報瓊瑤一作

致無時

內閣錢公寵惠高麗扇以梅州大紙報之仍賦

詩

昨夜秋風來戶庭殘燈閃滅微涼生得公團扇未及
用挂向空堂神骨清但將遠趣醒耳目不獨暑月排

歎蒸慙當厚意無以報前詩空說致與瓊漆箱猶有

南中紙濶似棊枰淨如水傳聞抄之自梅州蠻奴赤

脚踏溪流銀波滲徹雲蟾髓入軸萬杵光欲浮收藏

終恐非吾物寶劍銀鈎有時失不如芭卷歸文房錢

公家世能文章五日京兆聊爾耳歸步金鑾 玉堂

玉堂不復知吏事紫橐華簪

一作荷囊

奉天子鳳閣曾觀

思湧泉謫仙今振辭如綺不似冷官太苦辛吟哦風

月愁山鬼

秋夜對月

月行青天入重雲金
洩、穿魚鱗須臾雲收境
靜虛空表裏無纖塵寒光正與人相射碧琉璃中低
玉盆微風更入北窗竹餘聲颯洒清心竟頗疑碧落
在步履廣寒清都相與鄰乘槎去後事寂寞至今織
室臨河津却思白日走城郭浮埃馬足何紛、勞之
以晝逸以夜天意儻欲甘苦均人生南北無定所浪
自轉徙隨燕秦關河渺邈鄉井異唯有明月來相親
崎嶇萬里如咫尺圓缺惟有年、新如茲久要乃可
喜相對可不羅壺樽黃金如不付酒媪雖富不如長

賤貧重城汜、槐下

松蘿永愧山中人

觀鍾離中散草書帖

兒童不識草書法但見滿紙鱗蛇結安知筆法追古
初睨視衆體稱雄傑事忙往、無暇寫屬思幽窗乃
奇絕鍾離昂、散人後寄迹一官今白首潛心妙趣
百事忘興來書空不停手當年飄泊重湖外翰墨已
有時流愛風波頓挫格逾適羽翩翩、入吾輩一時
已聞紙價高千古定有書名在何當洒掃竹洞邊雲
醅滿 黃金船萬事崢嶸置毫末三五縱逸如張顛

相知本不誇勢力休論脫帽王公前

憶九江呈李瑞叔

家園大江東清湓映匡廬波光搖空濶嵐翠隨捲舒
廓然形影消所見惟清虛此是列仙宅當年未不居
一官老南北十年棄樵漁諒無飛昇骨宜與煙霞踈
子亦喜登臨持氣為舟車乘馬蹇虹蜺俯澗窺蟾蜍
賦詩不計篇飲酒動斗餘一為簪纓縛屢感歲月除
西征臨潮海東使騎鯨魚歸來顏已蒼相見兩勤渠
話及少年事慨然詠歸與富貴非所期朝衣裹猿狙
鼎食多憂煎未若羹園蔬何當永卜鄰之子同耕耨
清風卧醉石落日登籃輿道逢酒家旆聊復為躊躇
白首入石城君心竟何如不然因便道鳴騶時訪余

五鼓

夜枕回遠夢北窗覺微明遙知扶桑曲萬頃搖光晶
江海已浼、瀉魚龍俱震大哉陽德敏頃刻周四溟
天星黯餘照林飈颯先散栖鳥不安巢世務新營、
陽德固主動與物皆流行君子法天時燕居嘗夙興
流火感隙駒翰音伺雞鳴焚香奉真祠篝衣尋二經

夜氣未曉神觀則愈清力省域倍心虛思彌精
道要處戒定自伐如刀兵書紳以自勸因之遺友生

戊辰雪

初臘氣亦佳窮冬雪還虐晚風浙瀝響暮勢聯翩作
餘寒逼觥尊遠景明池閣想像山陰人扁舟在寥廓

又

歲日雪亦好今日差可憂盈尺望已足太多民始愁
穀價起如涌城郭饑者稠後期無乃遲春郊多麥麩

館中竹影

綠竹帶斜暉倚、有餘態微風到簾櫳舞影入圖繪
更無餘聲雜直與妙意會掩卷罷吟哦誰同此三昧

早起趁朝

山房客夢驚槐聽雨清絕蕙爐香寂寞半挂北窗月
重城車馬動起坐候明發華蓋望宸居煙飛隔雙闕

閣下會食贈張文潛

錦帶貂裘亦不惡宿酒移春入顏角人憐枳棘棲鳳
凰誰許青山入雲閣為我坐誦離騷篇森羅屈宋俱
眼前却歸北齋枕書眠夢乘紫雲飛上天覺來斜日

催野鞭隨車擲果長安市不信潘郎骨仙

館宿

啾、簷間雀側翅相悲鳴歲晏寒雖壯雲稀雪未成
同舍布路歸禁局斷人行敗箕摧殘葉偃僂一老兵
念非大瀟洒安得耳目清爐燂久更高宵鼓動嚴城

送吳叔揚通判代州

雁門噤喉地北瞰單于城漠騎罷深入塞垣春草生
題輿當遠去磴道歷崢嶸載路壺漿饋出郭幡旗迎
公堂足奉養美醑與犀兵漏刻閑愈永衣裘寒更輕

五臺聚仙聖事迹衆所欽片時

真逸萬

登幽情

政成早歸來銀章對承明未遂游邊志羨君為此行

和黃魯直送茶二首

喜君屢致雲溪茗值我正校琅函書飲罷清風生肘
腋吟成碧海登明珠誰能璠間享膏腴只意林泉身
自如他年遠別歸賀監乞取茶山比鏡湖
君茶勇、睡魔鬪但恐濕我腹中書欲醺黃金臺上
意愧乏夜光明月珠

多君藻思比華腴新詩妙墨更如湖

送邵彥瞻通判濠州

民情極簡易，關決未應勞。佳句寧我知，為君屈揮毫。
送徐成之通判永寧軍

少年意氣橫，廓淬拭龍泉。出鋒鏑，人情俱欲迎。長
安天語新，令倅河朔霜。風冽吹邊州，青驄駿馬錦
貂裘也知未足稱，才用猶勝當年為薄游。古白髮
今憔悴，別來慙慙儻相記。塞雁高飛不可馮，寄聲亦
有南歸使。

晁无咎張文潛同校君臣事迹因贈

畫省深沉天上居，道貌日與塵客踈。天公恐我太寂
寞，更遣兩仙同校書。名臣已去騎箕尾，尚有規模在
新史。浩然初若泛滄溟，目眩形勞安得止。興亡治亂
畧可知，兩公少壯方施為。齋房比隣數相說，聽公清
談勝飲酒。

高樓行

天悠、雲幕、半夜微聞奏笙笛，爛彩霞飛仙鶴鷄。
戢其翼，高樓百尋。大途東臨紫垣望，青都中山黃
封。壺五陵豪來少飲，娛夷門帝家盛游樂奔走。

環觀溢城郭如今 吏橫索錢縱飲誰愁家寂寞

丁卯春雪呈同僚

經時無甘澤帝為元、憂新正得一雪尚可期有秋
風東北來浩、舉山丘飛霰為先驅繁英已綢繆
堆深地欲蟄舞急川爭流沉、西崦暮落勢漫不收
盡移白玉京來為帝王州癘鬼窘相泣淒涼吾罷休
旱魃亦失氣耿、空自囚從茲民其康終歲飽麥麩
端門盛佳氣策府多英游諒多贊時瑞豈獨吟空愁
金樽發清揚思湧如雲浮請歌豐年占以代擊壤謳

大風入朝

風從何落來何處百馬盤空正號怒閉戶猶入山
頽誰人放舟江海去廬山之南白雲翁冠帶強游京
邑中狐裘不包纏不煖休却羨爰居能避風

送李元谷之官塞上

人生苦南北相見出偶爾喧闐都市中乃復遇之子
東萊遽別後故人今有幾說、塾與序進學亦可喜
語闌行色動輕裘有知己去、何當回山川正芳暉
邊州剩厨傳應不典春衣

蠟梅二絕黃魯直云王都尉有之邀同賦

蠟梅直何如但聞鄭家說淡日明晨霜涼酥點春雪

又

清嫌冰麝俗淡學池鷺黃情知不是蠟風定有餘香

道傍樹

蟠根官道傍生飽禁城霜春風功力微磔砢百尺長

肌膚凝金鐵六一作雪凍不僵度歲亦辛苦成材必

堅強他時擎大廈白蟻胡能傷

游城北李氏園池

池塘春色歸波水已極日鳧雁梢下來垂楊舞新綠

登臨不憚遠枉徑入重復已見數種花參差隔修竹

非特野興長彩翠動華屋沁園天下名魯館當年築

百年猶盛麗風景冠輦轂當時手種植仰視皆喬木

主人况仁賢客至初不速躋攀脚力盡更酌以醺渌

左右列圖書南北置磬簌夕陽整歸駟尚謂夜可卜

明日憶勝游長歌寄金谷

瓊花畫軸

我游欲廣陵江湖浩難涉喜有瓊花枝相隨在巾篋

北人初不識謂是玉蝴蝶天妃絕世艷乃以方妓妾
古祠惟一株他種不欲接春風亂百草紅紫鬪紛燁
皓然姑射姿豈少朱粉頰鐵幹已崢嶸雲朶正稠疊
書林日清閑萬慮坐收攝悠然對妙筆頗與幽興愜
髣髴未易得吟思舌徒噤

京塵

蜚塵真、逐馬尻麟、牛車何太勞春霜十日似妥
帖稍晴仍復起波濤非徒漸漬襟領黑復且侵凌宮
殿高吁嗟性地本安靜何乃紛擾爭雄豪祇憂飛盡
到坤軸萬怪菌蠢難藏韜願回河淮作溝瀆貫穿城
郭還周遭分衢洒埽萬丁力常遣瑩定無秋毫身微
大恐難副 有如畫釣塞鯨鰲彈冠振衣但隨俗寄
身此境何由逃

賦得九華松管筆

松枝為管京邑無山翁持贈最勤渠千年自飽幽澗
雪一日 快南窗書但知來處已瀟洒况復毫端精
有餘茅齋 眼有真率象齒琅玕渾不如

移花

清江文集 卷六
春光不徘徊過如插羽忽：陌上兒移花急風雨山
波爛襪繡平日誰指數到此俱可憐輕妍若時女我
家王城西披風立環堵坐思清興添不可佳時貧晨
朝市桃李百錢得三五

若不暇

晤語

夜對青藜芳草玄

晁无咎大硯

玄玉琢為池潭：可容尺圓侵震澤璞潤帶端溪色
麟臺離書御史孫揮毫應蔽妙語言滔：百丈洪河
翻助寶以泓還駿奔君王側席明光殿直言儻有公
卿薦區：邊計不須陳亦論皇王繼家傳

還蘇子由留贈

西垣有古人磔礫氣貌古落筆成文章無可加損處
策蹇得過門殷勤相勞苦湛然神觀全秀粹充眉宇
語我春已闌斯民望時雨宿麥正滿野驕暘惡如虎
雲師未灑澤赤子將誰乳侍臣當憂國密計應裨補
又云 著書安得一州去知公趣操異不為夸腰組
衣錦若還鄉亦當從幕府

再用韻和子瞻

堂、司公寇族姓原自古支流入漢唐浩渺無尋處
子瞻得家法自少不勤苦戲劇入場屋名聲振寰宇
凝思膚寸雲落筆萬點雨中間觸機阱窘若帶箭虎
坎軻連交游凍飢及糲乳歸來直玉堂得失亦相補
顧我縻一官未即江海去裳衣裹窮猿繫以三文組
知公心胸中坦不置城府漫刺猶可持還當謁文舉

休日與李瑞叔出城西

荷葉欲漠、柳絮已飛 東風如車輪日夜挽春暉

天郊多名園曷不事鞍轡休日不暇沐權門亞冠衣
嘉與之子游浩歌夕忘歸

次韻蘇翰林西山詩

詩中兼述鄧聖求宸樽事

黃州水米宜新醅東坡好花公自栽折花倒酒送流
景不念春風飄落梅醉投青山上九曲吳王故宮壓
崔嵬寒潭已無昔光景涼殿歛變今樓臺南陽翰林
當此日力探竒險祛塵埃西江雪浪接溪國巨石森
起繁如堆手披荒榛得突兀中有宸處成樽壘漫即
蹤跡塵 暗從此出躍樊山隈大賢坎軻終必用古

清江文集 卷六 講習堂
劍雙螫生莓苔忽拋光芒萬丈去星斗碎易青天開
攬捨枉矢莫妄動以湯滴雪誰先摧披竒振淹自明
主區、識寶非張雷陽春一奏衆爭和咸韶蕩默羣
仙來雖然此亦外物爾豈繫兩公樂與哀

春晚作

年華工密移回首已春暮雨掠大挑空風特持舟去
芍藥殿花陣披靡不能住惟有醪醑開仙葩照行路
清香飄夜月淡態挹晨露得酒便孤斟遠架耽徐步
我如車上人醉逐四時鷺浩蕩無所之誰能問徒御

三舍人題名於後省皆賦詩因寄呈劉貢父文
西垣寂寞今已久三賢文章鳳池手明來不復中山
戀後至儻誰居客右華堂刻石映今古秀句連章動
星斗鶴原棲萼俱相望龍吟龍嘯生輝光就中貢父
故鄉况有小阮爭翱翔、亦試中書堂

曾子開示詩再用前韻

川涵海積歲月久書禿十毫未停手昔人四十夸專
城公佩黃金來帝右當年逸足起江西時輩共喜星
之斗榮華未滿衆所望天啓叔李侍清光莫言畫錦

歸故鄉莫對秋雁思南翔且登金門上玉堂

蘇子由示詩再用前韻

公家兩賢涉世久六馬從容轡在手驅馳有節心有
常進退不隨人左右十年挫捩心不回方知有膽大
如斗鸞坡鳳閣蔚相望燦々奎壁連晶光我家辛勤
出寒鄉斥鷃未易追翱翔莫將滄溟比均堂

慧林遇蒲傳正呂子進閑談

粲々西臺彥恂々華省郎相過金城靜縱語春晝長
逍遙喜莊生傲誕尤稽康紈扇不須搖窗間襟袖涼

平陽嘆

壞雲如山壓齊壘六軍顏色如灰死高節元自解琵琶
萬歲無愁作天子伯升何曾上青天濺血遺痕芳
草間長城萬里自推仆駿馬只馱馮小憐姦臣百計
為蟲賊不但妖娥解傾國熊羆哮鬪平戲陽馮妃對
鏡嬌穠粧死生契濶不相棄雙々刎頸長安市

次韻和文潛休日不出

清風入北窗幽曠諧我心之子亦宴坐焚香齋閣深
平時道家仙蓬蒿倚瑤林願言枉相過小駟馳駿々

又

文潛真可人壯歲有老心塵境暫來寄天機元自深
鸞鳳翥赤靈亦有鶴在林冲天期一飛載驟謝駿

尉氏道中

江縣花已繁天畿草初茁春風動池來萬鼓相應發
長郊不敢進環坐借藁秸前村應稍近時有駝鳴圓

歸舍吟

長堤夾天溝浩蕩東南流上有騎馬客枯髯清兩眸
馬後無飛蓋馬前無鳴騶進無趨趨謁退無輕俠游

携金入市賣十鋪不一售包裹却歸舍置之牀一頭
半夜光滿屋潛知是精鏐貴物莫賤貨不如深巷收
一旦遇知者堆斗價可求寄謝路傍子神珠難闔投
秘閣觀唐法帖呈同舍諸公

雍熙真人金丹成騎龍逍遙上太清一時文物甚炳
煥至今高閣留崢嶸道山不為人間設千秋長鎮白
玉京蓬萊諸仙當閒暇相邀初作升天行宮殿相望
金碧動觚稜半引霄漢明鏘金寶鑰端門闢四坐光
芒炫奎壁換鸞何處得遺踪臨水當年應盡墨波瀾

清江文集 卷六
入唐仍浩瀚追躡餘塵猶十百味入喉蔗真漸佳力
未半途多自畫萬物莫如觀所聚 生強半初相識
相期更乘飛雲來琪花為霞為盃噉味沉澹臨丹臺
興盡翩然欲歸去從此心骨無塵埃

渡江

扁舟臨朝陽匹馬渡江北志士豈懷居征夫樂行役
東風吹高原生意密如織早晚却塵鞍皇州正春色

家居三首

毀譽平千載窮通譬一毛虹蜺千丈氣豈便伏蓬蒿

又

曉色奪燈燭秋寒侵薄帷漏衝吟思斷風從寃夢歸
萬慮不嬰抱一心初息機都忘塵土上裘馬鬪輕肥

又

邑居不見江山景去馬來車喧萬井冷落重簾日影
西蕭條四壁人初靜輕飈卷空雲幕水影天光同
一色滿樽濁酒愁不醒悵憶松江萬里行

偶書

暮上高樓聽村笛清風寥々吹澤國蒼山莽野百戰

清江文集 卷六
地美木陰林四時色浩蕩坤乾萬里中風光盡屬漁
樵客

江上

秋空杳：豁四顧葛衣藜杖尋堤去雙鳧拍波天外
來一棹凌風鏡中渡靜中榮辱興蕭條拍點蓬萊作
歸路

龜石

平川洶：經南國足練橫拖半天碧洪瀾巨浪之中
央忽見頽鬼太古石此石由來幾許時混元一氣初

開闢神功割破混沌胎劃落半空隨霹靂非鼇非鰲
不可辨有若神龜見蹤跡精剛不待媧皇鍊渾朴寧
從巨靈擘我知神物本天性推移運轉非人力當時
大禹走天下驅至九江為納錫萬牛攢車載不動鐵
軸崢嶸自堆積秦皇鞭山移四海怒視不能移咫尺
至今獨立猶驚人地志山經不能測千靈萬収誰復
知一片堅頑粗可 昂頭突出翠濤中跪足橫蹠九
泉脉勁殼縱橫竇穴穿當心一搭莓苔黑淵潛不見
曳尾狀日爍猶驚負 色青髯剝落向何處秋草綏

綏晨露滴勁健曾支玉女牀爛斑似點垂龍額漁翁
未網先自駭靈著欲伏安可得鼃鼃縮首不敢近蝦
蟇巡行夜戰惕歲冬大寒百聖伏園勁 勢無款側
風磨霜鍊無日休髮鬢皴痕成兆折負才不免剗腸
累至珍惟藉天公惜灼以炎皇之火精釁以少昊之
金液神鑽鬼卜不見形陰陽造化無遺策大哉龜者
物之精歲久已化為真形有時月黑無人夜繞岸光
芒 自生下駭深潭怪蜃窟上應中天玄武星萬衆
森 下相向來決吉凶真偽情姦狐妖鼠已破膽山

魑野魅見亦驚波神吞氣不敢喘四面長漪鋪席平
吾聞溪老記往歲半夜風雨來真 割然曳轉大潭
左百里震驚如雷霆 憎摧折雖萬狀崔嵬孤高終

自靈吁哉天地至奇物何為流落於江城銅馬猶聞
標漢殿神羊昔亦馴堯廷便當推置玉堂上古貌岌
岌無款傾姦臣猾豎作狐媚見之頰面先吞穀凶荒
水旱必可卜倉卒變怪皆先明匈奴喪魄萬里外懦
縮不敢窺天兵龜乎龜乎用不用壯士與爾同死生

雁翅夾作

川險固可畏，順風胡不行。維舟雁翅浦，安此水一泓。
宗慤萬里意，謝安江海情。子何獨惴惴，不慕天池鵬。
傳聞此洲外，飛簾正豪橫。萬馬拖縞練，千山雪翻崩。
舟師亦無苦，老子悲震驚。此語真不遷，我懷諒難勝。
從容把卮酒，坐對離騷經。起見皖山曲，沉、久煙生。
開簾待明月，穩聽波瀾聲。

松下

兀、皆禪刹亭、歷蒿玻璃蟬聲引我思，得蔭亦浩歌。
蕭瑟美風日，顧瞻愛松蘿。收得物外趣，悠然養天和。

蜂兒

吳蠶為人織，烹蛹以充腸。况爾止工螫，焚巢何足傷。
幸與衆果俱，得陳君子堂。咀嚼任所宜，故毒難自防。


加祿道中

僕夫疲躓復小休，晴雲澹、悠、村陂無人鳥聲。
樂澗草不動，春風柔長道。此去星斗近，後期南來桑。
柘稠懷哉吾祖，不溫席老矣長卿。今倦游。

三孔先生清江文集卷七

禮部侍郎孔武仲

常父



詩

發潯陽

西遊不敢避殘年兄弟分携楚水邊
浩蕩東風回草木朦朧曉色滿山川
却穿梅徑花爭落久想郵亭日未偏
安佚竟非儒者事虺隤我馬亦須鞭

至白湖驛寄四弟

江頭言別頗匆匆暮止荒陂破屋中
散盡煙雲無夜

清江文集 卷七 詩集
雨喚驚鳥雁有春風却思僧舍一少會坐卷香醪百
盞空薄祿牽人非得已相望秋思浩無窮

廣濟道中二首

犖确山坡瘦馬行年朝春色未分明
薦黃猶是舊時葉格磔稍聞新歲聲
強涉遠涂非我好亦逢佳景得心平
寒威斗起終豪橫更取村醪獨自傾

南北驅馳不少休人生何處是優游
去年立馬龜峰道亦是春泉遠舍流

蕲春聽琵琶五首

銀燭交光桂釀清親朋相見苦多情
春宵萬籟俱澄絕初試頭絃驟雨聲

新自潯陽江上來雖聞此曲不悲哀
輕櫳細撚俱清絕指法何慙二善才

北踏胡霜漢馬驕千秋琴思嬌
嬈華堂夜飲燈如晝共聽新聲不寂寥

百轉千縈住復移渾如啄木在高枝
春郊極目快晴後峭絕一聲飛去時

夜如何其夜未央山城斗轉星煌煌
收琴插撥各無

語酒美不知春漏長

過巴河寄經父

當時聯蓋入東都回首推遷二紀餘
此地山川終不改浮生光景半成虛
清談劇飲夢寐隔斷羽沉鱗音
信疎誰道豐城雙寶劍紫煙長繞斗牛墟

黃岡道中

悠、驅馬歷山川石火光中又度年
狼籍冷梅初著地玲瓏幽澗已通泉
靜思客子萬里道那及山人一
覺眠香飯可添茶可試回頭鄉國兩茫然

故縣遇風二首

狂風奔屋似輶車旅枕清寒一倍加
半夜雨聲收拾盡曉來飛雪不成花

積雨成湖客路長春風掀攪意何狂
殘雲吹盡真天力乞我晴明入帝鄉

關山路三首

朝來晴色頗鮮妍最愛群峯雪皓然
駐馬折梅看皎潔臨流照影弄潺湲

晨朝馬匹涉崎嶇映水梅花尚一株
旬日山川歷千

里江南雪藥已全無

馬力虺隤苦不禁僕夫流汗亦沾襟抱琴來寫非無
意愛此山高澗水深

七里驛遇葉振卿秘校南歸三首

擊篤郵亭寂寞中遠沙喬木暮號風今宵不作江南
夢賴有之人笑語同

雪霰飄燈春夜長相逢旅瑣莫悲傷朱顏綠髮輸君
少正好驅車上太行

湘水秦山此路分更持盃酒勸行人馬頭便作天涯

別好到江南看早春

題光山驛壁

跨縣連州幾疊山為君題作小潼關江湖不得長耕
釣塵土胡為屢往還漸入長郊趨坦蕩却從平地望
孱顏何當輕騎重登險指點潞城夕照間

暖轎

垂簾為戶竹為輿千里征行似宴居達磨心無唯穩
坐倪寬已老更耽書

發加祿

清江文集 卷七 講書堂
白草蕭、漾早暉藍輿輕穩去如飛
淮天軟暖多成雨
喜有輕寒犯客衣

至新息寄州王守

熙、樂國似登臺北圃
南亭春事催惆悵
音塵難再會
瑞香應已遶簷開

渡淮

扁舟次淮蒲科涉得春風脫險鼃
鼃畔問津桑柘中
俯窺清奪魄
回望渺吞空
委注雖天力
經綸是禹功
縈紆數州接
浩蕩百源通
世久無昏墊
川今有會同

冷煙猶漠、暖渌已融、暫得觀形勝
修然慰轉蓬
發王務二首

曉隨燈火背千家
落盡疎星見遠霞
一餉春散回宿鳥
半天寒色在啼鴉
臨陂弱柳猶藏葉
當路殘梅已盡花
賴值時光正妍潤
穩看風物到京華
春水溝塍綠漸回
喧闐鳧雁作羣來
新年風物動人意
薄宦驅馳豈自媒
未解驂龍追渺莽
何妨乘蹇歷崔嵬
田間亦有人閑逸
門掩柴荆畫未開

治平中余始自廣西赴吏部過蔡太守丁公召

至後園觀翁樹今復至此適二十年從太守黃
公登西湖待月臺

星斗垂天月淡明九衢歌鼓樂昇平當時常侍傳呼
處只有荒陂息雁聲

發蔡州

悠、清曉歷長陂楊柳溝塍鴈鷺池風色著人寒料
峭日光生野暖融怡鶴歸雲海心空在雁度湖天力
已疲客路馳驅元不定西湖應有再來時

題上蔡驛

駐馬東門已夕陽淡雲衰草意何長當年公子牽黃
犬此地春風吹白楊千歲只疑經旦暮一城猶可鑒
興亡我來不獨嗟行役覽古依然為閔傷

書懷

昨寄家書道苦長南州山迥水茫、細將驛堠從頭
數準擬今朝到故鄉

書事

路逢行客向江州勒馬荒郊為少留家事滿懷無紙
寫好將言語付蒼頭

北來煙爨苦淒涼金竈崢嶸突尾長滿篋香杭無處
用郵亭一飽待枕柳

鳳皇陂

長陂寂寞斷鳴鴉浩、春風馬鬣斜待得春霖添水
滿只應從此却還家

入鄆陵界

馬蹄騰踏去如流雨止車塵凝不浮驛道夷平桑柘
美人言從此屬皇州

寄張端父

與君生也共飄蓬會面荒陂寂寞中芳酒一罇留夜
語旅程千里倦春風追思薦鶚門闌舊默感跳丸歲
月空聞道束書游帝闕偷閒應肯訪衰翁

折縣道中二首

柳堤桃塢未怡融浣濯新梢上淺紅一段春光來逼
眼棗 騶嘶枯林中

紫沙隨馬細如篩虎阜龍岡盡此馳正望長安不回
首 人休賦灞陵詩

過紫極宮感道士卓玘遺跡因賦詩以續諸公

哀辭之後

武庫精兵接混茫，揮犀餘論意何長。
丹臺此日歸仙籍，紫極他年記道場。
暫別鬢毛渾老大，再來風月愈
淒涼。不須隕涕悲鄰笛，亦對松筠為感傷。

淮西道中

曾歷光黃嶺，百尋悲傷僕馬在。
嶮嶽却思前日山行苦，未比今朝車轍深。
恐轉春風成猛雨，喜逢寒色閣輕陰。
荒陂杳杳無人語，坐擁貂裘只苦吟。

暖轎二首

雙袖深籠兩脚垂，朝寒乘快度荒陂。
春風浩氣無邊際，似駕烏雲過海時。

淮山萬點雨晴初，日寒惟望太虛野。
濶天低，今可壓閉簾無事，只看書。

蔡州

亭下湖光凝不流，銀燈土葦綴綢繆。
主人今是真黃霸，民譽仍推郭細侯。

太守黃公與余有舊，是日張飲於西湖翠光亭。
黃公以才能屢歷事，任嘗奉使京西，今又來守。

淮康也

憶曾醉看仙翁樹騎馬重來二十年百尺湖臺蘸春
綠月華依舊到樽前

寄信守王子明

清香一炷道家儀貝葉雲籤自誦持盡是鈴齋蕭洒
趣紅塵奔走爾為誰

年來江上苦多風匹馬關山重復重須信心閑為樂
地主人牕檻有仙峯

答竹元珍見贈

汴柳毵、綠蔽河春城旅舍數相過一聞高論煩襟
豁更捧新詩雅贐多清釜欲回荆玉價蕪音難斷郵
人歌儒林志業期千古舊事慚君話決科

和竹元珍夜雨

帝城塵土熱如湯喜有殘宵雨送涼旅枕夢雲縈宋
玉空階詩思感何即香迷舊理煙初斷燈倚輕寒燭
不長明日御溝應更好一番晴色弄垂楊

和竹元珍寒食次韻

羈旅看春色清明客帝鄉花開禁苑密柳嫋御溝長

玉勒無餘地，鈿車有剩香。塵埃不可致，歸夢楚山傍。
旅枕

旅枕春風底，俯然一夢驚。漏移清禁遠，天入小窗明。
桂玉梁園費，山椒楚客情。蕭條過百五，猶有賣花聲。
上巳與江梅叔遊城西

禁園靈沼灑，風光恩許游。人入醉鄉天，上仙葩迷闥。
苑月清風，瀉銀潢觴浮。曲水清春暮，人在瀛洲白。
日長却望宜秋，指歸路，觚稜金碧。正斜陽

和竹元珍僧舍牡丹次韻

知到東隣賞牡丹，高僧防客頗難艱。鮮妍自是天花
種，僻靜應無俗眼看。葉似蟠菹相隱覆，藥隨飛蝶漸
凋殘。新詩清苦如郊島，肯羨侯家一醉歡。

送鄭無欲改官知合江縣

曉闌未央宮，千袍擁赭紅。分班百寮底，得邑萬山中。
麗筆元摛錦，新章更縮銅。定應隨驛召，不久滯巴東。

又

馬踏榆陰出漢關，邦人欣見錦衣還。東川却指舊游
處，北關猶縈旅夢間。神女斷雲低楚峽，子規啼月慘

巴山知君利刃曾磨試
囹圄應從到日閑

呈竹元珍

一室蕭然傍禁城
塵埃不到旅懷清
水流紅片知花落
雨浥蒼苔見筍生
感物已憐春寂寞
辭家億是歲崢嶸
知君亦有淹留歎
歸夢西隨杜宇聲

榴花分題 得開字

東京石榴好幾處
照樓臺秀色裙難學
幽香蝶不來
連枝成幄幕
著子盡瓊瑰
乞取當牕種
年々四季開
經父云自到京止得一書頗懷憂想因寄

萬事崢嶸不自由
年來書信最綢繆
雁飛玉塞無多地
人望神都正倚樓
祇恐邊風多浩蕩
故令音驛每遲留
何如款段相隨出
鄉曲長為馬少陵

同賦京塵 京字為韻

白日臨黃道
紅塵滿玉京
長風吹不盡
驟雨灑還清
不放虛空快應同
世界生隨事勢能
壯度隙體能輕
舞榭凝添恨
歌梁隨趁聲
滄浪歸有計
行矣濯吾纓

同賦虎憶 堂字為韻

何事斑然帟來依
靜者堂英姿猶警
物盡手必殊常

快筆揮如雨新鱗洗似霜淺山迎暮黯叢華得秋黃
炳煥霞紋縵晶瑩鏡目光前翅疑搏取却顧向推藏
仙子休騎去將軍莫射傷相隨千里客更欲卷還鄉

贈程瓌

識盡公卿更食貧蒼髯瘦骨走京塵高談亦與時多
忤屢中方知術有神前會渺茫渾不記遠游蕭索復
相親疑公別得壺中趣回首人間二十春

筠州張氏追遠堂

慘淡佳城側穹隆百尺堂歲時如過隙松柏已成行

玉笋登盤美瓊醅入奠香英靈似明月時到此山傍

同賦蚊得涼字

生長雖微細翾飛逐盛陽吾身非鐵石爾紫太鋸剛
戢、朝藏壁喧、暮滿房燈前已環 簷角尚悠揚
紗眼能緣過冰膚亦噬傷用心均貨殖損物亞螟蝗
栖宿磨蟲巧追擒蝙蝠忙秋風動天地爾輩更淒涼

同賦李夢符酒斗天字為韻

酒斗公家物規摹取自然無時挹香醪有象掛高天
綠玉燒為撒黃金打作舡何如學嘉量深注瓦樽前

留別真戒講師

假山砌疊真相似雙竹澆培盡不如萬屋塵囂無間
斷一軒氣象自清虛持齋欲趁龍華會升座能繙貝
葉書官罷亦應歸北闕携筇先訪故人居

次韵和歐勉甫見送

抱關委吏可忘年而况吾徒志聖賢策馬漸隨南去
鴈寄殼應有北歸舡無情尺水猶能釜有志精金尚
可鑄願以此心推一邑他時不負贈行篇

題報慈寺花藥園

少時隨衆蹂京塵曾倚朱欄看晚春二十年間頭半
白方知花木解磨人

勝師堂雙竹

累石為峰太謹嚴故排雙竹闢修纖天風似亦喜清
淨時娟枝梢為埽簷

驟雨

驟雨隨風入漢關傾都驩喜破愁顏電光猶恐龍潛
伏閃餘輝透壁間

出京

整頓歸裝夜不眠
籃輿出趁早涼天
東南爽氣來相逼
葉底初聞一段蟬

早食鐵佛寺

破壁題名滿往還
如置郵山河萬里道
車馬片時休
白日初騰曉涼蟬
已喚秋便添山野
興咫尺帝王州

寄林次中

曉踏朱僊月還思
昨日詩尚携漫刺
謁不爽故人期
宮闕觚稜失山河
向背移悠々
芳草路恰似別家時

鄆陵界中

古縣居人少
歸軒喜氣多
連天皆秫黍
蓋水有蓮荷
宿雨雲容薄
微風日氣和
征行不辭遠
所得是吟哦

侯塘渡

空山宿雨漲前溪
芳草連雲欲渡時
落日人心急
星火招舟子
更來遲

田間

百頃陂田過雨清
新秋漠々似苔生
津梁只欲憑忠信
南去無心問耦耕

羅港

八節灘頭駐馬蹄，流水日沉西歲時。久已成陳迹，風景全然似此溪。蘭棹倚洲人競過，藍輿索筆我閑題。桃源仙境今何在，懊惱嬌鶯向暮啼。

遇行人

我託南車去，君挈北轡還。相看一夢裏，好入畫圖間。

晚行

客子念家意遠行，投驛心亂鴉爭噪。晚宿鳥已歸林，漸覺殘陽盡。更憂前港深雲，師頗知足久，困狂霖。

過淮

積雨雖收霽，清淮更渺茫。地形真水府，波面似錢塘。雲日侵衣淡，天風入袖涼。輿過南岸轉，覺近家鄉。

關山五首

曉上春風第一坡，豁然披鴈盡天涯。原田極望人稀少，掩映茅篁數十家。

嶺盡還臨水，溪窮又有山。人游明鏡裏，鳥語白雲間。少婦織新絲，人來不下機。斜陽過茅屋，卽亦採樵歸。北地樵蘇寸草空，不如燒炭此山中。良材合抱隨斤斧，豈願區、櫟與楓。

山溪百轉水冷，栽插新秧次第成。風起綠茸無斷處，他時粒，是香杭。

萬松亭

治平中縣令張毅植松萬枝以庇行路

鬱、青山夾路松，行人笑語綠陰中。排雲架壑無餘地，洒面侵襟有。風一日勞心，非欲速千年流惠亦何。我來俯仰尋遺愛，更喜清虛萬慮空。

聽蟬

畏日流金不斷，散松風澗水助冷。我來瀟散無餘事，得倚籃輿細聽。

過馬鞍山

足歷黃州百疊山，更無平地只岡巒。物皆枯槁非人世，石最崔嵬是馬鞍。畏日流金紅艷，亂沙堆雪白漫。崎嶇出盡聊休息，喜有松聲六月寒。

喜至亭

在廣濟縣石龍坡

嶺路蟠，石似龍。亭軒更在最高峯。九江山水吾家近，四祖煙霞晚色濃。吟不佳，誇美景。行人當為破愁容。前村有酒青帘遠，強飲巖間水一鍾。

陶子駿侯老堂

不逐漁商不問農悠然今作祿
翁地臨白傅荒臺
畔人在華胥樂國中一榻遠分廬阜月兩軒平揖廣
寒風杖藜亦欲頻還往肯使清閑併屬公

謁張文思於湖西不見

綠竹陰深屋數間籃輿來傍古溪邊垂楊芳草迷三
徑斜日新秋媚一川澎湃直連湓口浪逍遙如泛剡
中舡山陰不見戴安道回首西風心浩然

君表自西林還城中以詩二首為別

天上優游侍從臣還鄉畫錦坐生春不矜富貴知餘
事同訪溪山有故人方外笑談無畛域雨餘泉石長
精神西林路口嗟輕別善護青雲萬里身
巉：廬阜秀侵天有意登臨已十年美味君纔嘗一
嚙明珠我欲探重淵他時白首須歸隱此去青雲更
著鞭扶杖為公尋好處往來同選得叅禪

入山三首

冠蓋成陰中路迴獨携蓮社道人來千巖萬壑初相
識分付晴嵐面：開
路出西林興倍長輕衫短蓋入秋陽層崖蔽日多清

影深谷迷人有異香訪古不辭穿絕磴參禪直為遍
諸方此身似是遼東鶴偶逐飛雲到故鄉
十歲不出還可嗟經旬遍走梵王家群仙拍手向人
笑方朔今來何晚耶

山間三首

江城八月苦炎暉瀟洒山間挾纒時峰頂寶林俱勝
絕藍輿從共上天池
絕壁藤蘿喜可攀更無平地只青山路回亦有虛明
處江北江南拍掌間

柔條細葉謾成叢亦有懸崖出小紅欲試金丹求不
死靈苗應在此山中

峯頂

苦霰悲風作斧斤千秋松竹損精神似聞犬吠白雲
外猶有秦時避世人

錦繡谷

江城已月芳菲盡殘紫深緋到谷中最是廬山佳麗
處我來蕭颯已秋風
帝憶廬山萬玉妃狂風浩蕩喚春歸繁華過眼一朝

清江文集 卷七
盡唯有珍禽無數飛

歸宗寺

海會寮中畧問禪高僧剛道語難傳却詢耶舍羅那
事俯仰人間七百年

自歸宗入靈溪觀

紫霄峰下有禪林瓦結青瑤地布金聞道靈溪纔起
尺携筇不覺後山深

石橋橫路水濺 百尺琳宮館列仙聞有秦人來避
世至今脩竹上參天

瀑布六首

懸崖傾注自成川六月溪風為肅然不是化工移用
巧尾閭應亦有窮年

山頭飛瀑海中潮此理誰能問泐寥祇恐分流從月

窟桂香無限到西橋

泉上有巖桂
花芬香襲人

晴天如練雨成雷飛洒青空亦快哉推倒西峯一百
丈試觀河漢所從來

又似綴竹鷗石齒橫斜咽復流莫放陰雲遮洞
府最宜明月挂高秋

接石為槽遠畫簷清風爽氣坐來添恰後天外為飛
瀑又向人間作水簾

窈窕東注壑舒徐南入江寄聲滄海若高潔此難雙

玉淵亭龍潭

清潭千古照懸崖、正飛流動地來咫尺語言聞不
得夕陽佳景更徘徊

晚坐三峽橋

雨施雷音動十方檀那奔走助津梁泉吞石竇千秋
白風埽松橋六月涼潑、小魚生處樂濺、餘瀨靜

中忙塵襟正欲留蕭灑坐聽清音到夕陽

雜題二首

青山蠹、水縈回散入溪田媚復哀天里清音難梓
記茲游悔不負琴來

曲澗低泉左右鳴步虛宮殿響琚珩清風杳不知來
處散入松間入鳳笙

至新息寄四弟

江上分飛已隔年春風初雨月初圓今宵相望長淮
北只有星河共一天

送殷父弟知衡州

浮雲富貴本無情
出守衡陽地望清
隴畝良田多樂地
歲江上秀氣入重城
鈴齋宴衍茶樽佚
崇蔭優游獄訟平
應念區區大梁客
朝衣顛倒趁雞鳴

三孔先生清江文集卷八

詩

李公擇山房

碧落仙官侍玉除
至今遺迹在匡廬
當時兄弟供年

少他日榮歸比二疎

李公讀書于廬山時年十六

松篁八路水濺
自是廬山小洞天
盡道秀才心好
靜誰知風骨是真仙

陳翰林游天池約相會于栖買久之不至

廬阜西頭是謫仙
藍輿正欲上青天
霓旌羽蓋何時返
悵望洪崖阻柏肩

寄南康徐大夫

山南泉石有餘清
幾日藍輿天上行
亦欲西園伴飛蓋
龐公不慣入州城

白鶴觀

洞天人遠矣
琳館有遺蹤
願棄人間事
優游慕赤松

慧日寺

山外歸來酒半酣
衣襟翠色貯煙嵐
泉聲自是小三

峽林色可名東萬衫

江面深沉帶地流
清風爽氣入層樓
倚欄却認登浮玉
平看滄溟萬里秋

答李景文見寄

金沙會面慰飄蓬
沉得連朝笑語同
縱飲不知明月墮
納涼尤愛小軒東
郵亭送別淒涼後
江郭凭欄悵望中
兩幅新詩尤俊邁
冷然醒我以清風

維那觀師以褐示余求詩為贈因成兩絕句
擾：長途策馬回柴門
寂寞晝慵開清香一炷茶一

吸賴有高人數往來

夾路長松綠蔭繁送君從此入幽關銅鉞錫杖無拍

繫正好窺尋布水源

師將避廬山

黃州夜泊聽水聲因為絕句以廣歐陽公詩話

冷然非微亦非商夜久清音入夢長人道官蛙成鼓

吹我和風水是霓裳

黃州

客路深秋一轉蓬淮天牢落此將窮城開雲水蒼茫

處人在茅簷掩映中對岍武昌風月近千年赤壁是

非空愁、陳迹慵開口謾把筠竿伴釣翁

山上泉聲風雨來門前峰色畫屏開仙居洞裏桃花

古不是劉郎去後栽

吳章嶺作

廬山北轉是吳章巖草紛、靜有香洞口流泉似相

送人間天上莫相忘

送僧惠芝歸東林

東林開士鮮談禪共千巖萬壑前回首歸雲不知

處林間相遇是何年

清江文集 卷八
成化院二首

化成真化出絕嶮起朱欄直下臨無處江城一掬看
登覽多清興衣襟有白雲松風不知際山籟坐中聞
五老峯

峻疊起青風森然五老翁雲將色共古天與壽無窮
突兀巔崖峭駢羅面勢雄三光同孕育四岳是兒童
傑立層霄際曾經壞劫中夢齡應可圖寫獻堯宮

次韵答李于約見贈

江縣山竒水亦清古今賢宰繼聲名施為豈厭地閑
僻學行久推君老成桂籍掇科論世契錦囊留句荷
交情當年入洛多英俊文彩誰如陸士衡

晚登庾樓

却從江漢望江廬湓口風波日愈踈滿甕尚留桑落
酒登盤今有武昌魚斜陽柳色明倚岸纖月波光濕
太虛鸚鵡洲前弔豪士重將詞賦為君書

順風發江夏

西江風浪夜喧逐清曉猶聞萬籟哀水驛正隨衡鴈
去雲帆初今海鵬開山橫別浦跳丸度席對長瀾陣

馬來快意須防太豪橫斜陽荒港少徘徊

嘉魚界中作

楚澤秋窮未有霜飄然如鴈去隨陽連空積藹湖天
閣極目無人水國荒破浪不須論萬里佩蘭聊欲寄
三湘駝裘更作春暉暖贏得骨騰晝夢長

巴陵界中作

曲：秋江灩、波直疑乘興到銀河逢人欲問支機
石此去星橋路幾多

一別湖湘二十秋飄然羈旅復萍浮冰霜入鬢殊非

壯星斗羅胸却似愁濁酒放歌朝拊髀青燈苦學夜
懸頭唯應共樂無窮已衰、滄波盡即休

留贈上官常用

河梁欲上手重携冷語南湖百尺隄看即青雲開羽
翼莫羞黃綬走塵泥文章炳蔚元摘鳳銜刃縱橫暫
割雞欲識長官清淨意高堂雙宇揭曹蹊

蘇子瞻雪堂

古縣東邊仄徑開先生曾此劓蒿萊鸞凰一去應不
返花柳當年皆自我畫壁蒼茫留水墨未攔剝落長

莓苔鄰翁笑我來何暮檢點風煙興盡回

罾魚

野色星輝半有無曲江舟子夜罾魚紅鱗躍網無錢
買惆悵天涯尺素書

陽羅磯

石壯山獐不可干傾江波浪作驚湍殘霞一抹吳天
晚正苦扁舟不上灘

寓目

清灣氣象暮潭、漁客車罾似引帆三尺鯉魚投罟

網西江雖廣爾何堪

西江

灩、西江水朝、伴我行雲天初散豁秋色正分明
魚逝應相得鷗來故不驚煙波聊寄適南北久忘情

鄂州

綠柳陰、蔽武昌汀洲如畫引帆檣一江見底自秋
色千里無風正夕陽暫別勝游渾老大追思前事只
淒涼賢豪况有遺蹤在欲買溪山作漫郎

巴陵官舍二題

蕭灑堂

旅平凹 剪荆榛畫棟明窗學隱身政簡琴書聊度
日地閑花木為留春一盃濁酒迷今古五字清吟泣
鬼神暫伴登臨對佳景衣襟渾覺減埃塵

湖山亭

縣山峻絕有新亭公退時來看洞庭天外微茫二湖
合波心縹緲一峰青非時爽氣生雲雨永夜寒光浸
斗星千古登臨增健筆投文猶可吊湘靈

五鼓乘風過洞庭湖日高已至廟下作詩三篇

半掩舡篷天淡明飛帆已背岳陽城飄然一葉乘空
度卧聽銀潢瀉月聲

北風投曉漸雄豪椎鼓車帆十丈高枕底洞庭三百
里卧聽天樂響叢嘈

南津瀉灑夜風微投曉湖靈更發機想像虛空聞帝
樂逡巡波浪匝天圍三湘路指平蕪轉兩舸帆爭白
鳥飛却上叢祠薦牲酒荆雲隱、尚朝暉

何君表留大舟于潯陽下敢乘既至湘陰寄絕
句謝之

清江文集 卷六
講習堂
洞庭秋水採天流萬斛樓航不易收才力似君方稱
副此身只合載漁舟

將至巴陵當次江夏

南行應不嘆途窮水驛連翩遇好風遠浪飛來千白
鷺輕帆相逐兩真鴻殘雲日挂蒼茫外平野天垂曠
濶中湘浦舊游思一訪肯因尊臚憶江東

入湘江二絕句

清川曲岸進遲遲採得菊花三兩枝
秋香斜日下有懷江國去年時

平沙襯水竹藏雲自古多招薄命人我獨遠來追所
好是中魚美淥醅醇

寄四舍弟

贛水南邊北勢回層城中起鬱孤臺憶初二隴同登
此喜有阿連相繼來舊事前游休感嘆清風佳景且
徘徊天涯未有從日百里區區亦象雷

縣圃有小城環之北面有丘阜聳出喬木蔽其上
蓋古戰棚也到縣之三月得荒徑攀援而上
視其形勢可以為亭北望平野乃增築之度為

四楹公事之隙休息其間

堆案盈庭勢未休
灰心聊共作天遊
剪除榛莽成幽徑
架茅篁古丘
葉密風多能庇暑
雲開山出更宜秋
西園日涉從今始
誰信民官得自由

城上亭上二首

更無人跡逐攀躋
廬岳烏藤手自携
滄海誰論六月息
茂林今得一枝栖
幽芳滿徑春難老
翠樾連雲日易西
况有北郊宜曠望
八餘聊共發醯雞
湘潭之酒今稍薄
粉白水清亦不惡
百錢換得一年

歸復共悠然
縱杯酌醉中
衡華皆秋毫
肯復刺眼事
錐刀層林密
葉風力豪
鈞天震響春
甚高

登城

應俗雖勞甚
登高即曠然
日濃花覆地
春盡草連天
竹塢連山遠
湖光帶郭偏
斯吾本閑件
吾政愧烹鮮
城上喬木

城上蒼虬困不醒
春陽已半未回青
這應一夜新雷震
漸放繁枝擁日星

西園獨步二首

清江文集 卷六
講習堂
茂林新幄翠重，猶有殘花掩映紅。庭館漸虛容散
涉時攀園果作徂公

官居何以滌冥煩，喜有廳西北涉園。白日漸長公事
少，紅英已盡葉陰繁。淥波似鏡池能照，巧舌如簧鳥
解言。風景只隨人意好，昔賢何事厭湘沅。

逍遙亭獨遊

城上飛簷出百尋，回環古木自成陰。涼生白晝收團
扇，影入斜陽剪碎金。茂密却遮西望眼，逍遙未有北
歸心。淵明盛說家園趣，誰信吾園趣更深。

縣齋偶書

誤恩為邑楚江潯，黽勉初疑力不任。吏事妄窺如管
豹，歸心難過是籠禽。低回未遂箕山志，慷慨猶希梁
甫吟。案牘埽空庭院靜，只將趺坐當鳴琴。

輶車館

野濶天長入望青，眼中虛豁到鴻冥。偶從楚俗來同
樂，下視湘江笑獨醒。風緊水光時感練，日斜山影半
迴屏。扁舟過此方年少，老矣重來鬢漸星。

次韵和楊公濟見贈三首

貌略先生不諱窮詠歌堯舜與時逢傳呼滿道今為
使斂板登門亦見容南浦清波輝玉樹西齋新醖入
金鐘臨分警戒言尤切似欲驅馳叔夜慵

魯國鯨生與俗同何嘗孤許慕龍逢邑佳不及陶彭
澤官小絕肩邴曼容故國安栖無一瓦高堂失養感
千鍾賢豪見顧何恢廓自寫新詩慰病慵

清談袞、思無窮渾似饒陽邑下逢霜重湖天初凜
冽夜長樽酒更從容新編自富詩千首巖邑今饒畝
一鍾兀坐江城隨五斗肯憂紫

衣慵

韓公祠堂

曾持金節撫淮壖磊落英姿正少年萬里風鴻看振
翼一時毫素冠凌煙新祠更慰舟人望遺像仍從幕
客傳精爽威容俱不泯今騎箕尾在青天

送十二兄還江西

匣有萍筇 有書西風隻影渡江湖剩收岳麓春前
景寫入新詩勝畫圖

湘潭二首

祿仕飄然寄楚鄉才能苦短志方強已栽綠柳如彭

澤况有黄金似櫟陽風颭湘波天影動雲來衡岳雨
聲長尚疑卑濕難安處更起西邊百尺堂

湘潭近有告發金坑

者余作堂于廳西謂之月堂

縣街重復俯驚湍正與湘江咫尺間侵齧最憂東滙

水蔽遮唯有北來山清流倒影樓臺壯白瓦連雲布

井閒捍患持危功不小亭、千古鎮荒灣

縣西七里
有唐興山

聳出江上水趨南岸故邑居得完

九月十四日小會

帶露葵花貯漆盤周遭仍簇小雞冠人生愛賞無時

足但作姚黃魏紫看

寄范清老二絕

高平處士節尤孤門掩江邊徑欲無詩好未窺新歲

集酒醇猶憶去年壺

一別潯陽已隔年官居應接謾紛然南水瀑水傾江

海夢挈塵肝先洗湔

九月廿二日西館雨中作

西館蕭然擁蜀裘渾無桃李似潘侯路多綠竹遮欄
雨池有殘荷掩映秋蠻獠謳歌逢樂歲江湖風景憶

扁舟衣冠到底為身累祇慕逍遙寄一丘

晚興

吏退公門靜肅然侶宴居秋穀來簟枕晚色被庭除
仄徑窺栖鳥荒池聽躍魚黃花惱陶令搔首賦歸與

寶豐倉秋納三首

次竹編蓬學缺垣中門 外蟻回旋群呼直欲爭風
疾快走渾疑踏地穿朱墨亂揮雲落手塵氛橫集雪
侵顛新歲幸有民輸樂心口相期更勉旃
彩籌森列羽門兵袞、招呼不斷聲歲計自當平斗

角年豐今况有坻京爭先雜沓人何冗應物逍遙我

自清白日漸斜亭廡靜却臨湘水笑塵纓

縣濶人饒稼秋成衆樂 精粗驗丹白億萬起錙銖

足斫誰先到尻高或妄呼何當寄軍令供 黑山隅

寄范清老

日挂西南有薄輝稜、霜氣犯寒衣不愁斗柄隨春
轉祇怕梅花學雪飛湘浦波光頻送別湓城山色屢
思歸高人只在南坡住好共留錢買釣磯

湘上二首

清江文集 卷八
滿眼青湘浸綠苔誰家籬接折寒梅天容婉美霜雲
薄已逗春光入望來

南歸曾泛碧湘船擊伏臨流似浩然平野幾枯殘歲
草淥波猶浸舊時天簿書空惚嗟巖邑樽酒歡娛憶
少年尺水片雲今我有亦當風月為留連

寄劉貢甫

秀水先生今傑才崎嶇山徑滯蓬萊飛牋岳麓吟秋
草把酒襄陽醉臆梅東郡政殷無豈弟南樓風月且
徘徊朝廷選用多英俊早晚劉郎即到來

梅徑

一徑皎無塵濃酥點爛銀園池晴後雪風景臆中春
採蜜蜂時背偷香蝶命屯都将瀟灑格分付與詩人

自寶豐倉歸

岳雲成凍把春寒十里崎嶇倦往還馬上朔風回繫
帶雪中微酒見開顏含黃欲坼江邊柳蘸綠相重水
上山拋掉一官如糞壤好隨魚舸此中閑

與同僚游甘泉苦竹二寺

兩寺藏三曲登臨恨阻修平時極目處今日探春游

苦竹經霜老甘泉帶雪流醇醪煖肌骨歸路卸輕裘
與陳董二君相會于真州經月甚樂詩寄董陳
君兼感存沒

平生交友半成塵想見當年樂會文別淚茫茫添海
水愁懷黯黯塞江雲青衫脫去誰同老白首追隨尚
有君官暇更將碁子學他時籌局當功勳

讀王逢原文竒其才擇甚精錄一編

人喜相知自昔然况君埋玉未多年雄文一讀千行
淚青眼相期萬古傳已掇條枚收美實更披沙石貯

清泉東齋倒掩無人語火煖燈明手自編

詩答李時發見賀書省除命渠雲嘗言矣

傾蓋相期自有人贈言先許出埃塵若非清議曾推
輓安得公朝有選掄州縣徒勞雖已壓置郵傳命或
非真期公莫算人間事共醉湘江爛熳春

次韵和張芸老阻風見寄

聞道征帆却滯留蕭條湘岸正南頭春光雖有將歸
意野色人供不盡愁破浪心期元萬里揚帆目送已
千舟山齋亦欲君重訪逆水如今是順流

送劉明復知鳳翔

舊國安黃霸新邦識細侯
皇慈借御便輿誦欲公留
曉雪驪駒宴春風畫鷁舟
皇都朝謁早天路看鳴騶

又

先帝開三省今皇重老成
山林招隱逸巷陌起公卿
自古時難遇吾侯道正行
岐山莫望鳳金閣遲飛鳴

落日

光彩沉、萬木西青
空圍出釀燕胎家園正對荒陂
望恰似騰波出海時

次韵和鄧慎思謝劉明復畫道林秋景

鈴齋清話未更端
一掃禪林景趣完
縹渺已裝新殿塔
縈紆仍引外峰巒
冷風有意生空閣
密雪無聲下廣寒
平昔所游今在眼
淒涼疑是夢中看

以時博畫雖不費
要秋得冬如未完
恍疑霰雪滿天地
慘若暮氣迷峯巒
夜堂高張醉魂醒
暑館偶窺吟魄寒
筆端與造化會
莫作人間毫素看

留題徐成之和軒

生人情誼貴和光
俸薄官閑寄楚鄉
雜還賓朋四方

會優游風月一軒涼
盃傾琥珀催人飲
羹煖駝蹄勸客嘗
景趣已佳心未愜
更栽花竹滿池塘

寄題丁子厚二亭

睦亭

撫旅無如睦開亭
意可知庭堦盡蘭玉
兄弟即墳麓食有分
甘樂歌諧伐木詩
歡心已如共風景况相宜

朋來亭

學有青衿聚亭當綠野
開山川二湖曲賓友四方來
卿行求如禹師門欲望回
無輕十室小長養即高才

次韻和鄧憤思與太守同登清湘樓

郡樓邀會樂豐年
極目山川思浩然
才子登臨嗟昔別
使君藩屏值新遷
前峰綠霧藏丹葉
別浦平沙襯碧連
不但醉吟湘與麓
魯歌崧漢美周星

余嘗謂北人不知江湖如南人不習邊塞時張
芸老在坐中因問

張子胸中瑩不疑
江湖邊地總曾知
波瀾沃日漾舟起
霰雪埋空出塞時
挂席何妨拾明月
據鞍仍解賦新詩
悠然無復拘南北
陣馬風檣取自宜

次韵和王敏仲望祝融峯

獨立千秋渾不倚，排虛直上似無根。
履穿尚恐高難及，磴滑猶應險可捫。

斗柄崢嶸宜有概，星榆爛漫豈無根。
祝融直上應窺見，閭闔雖重亦可捫。

南帝尊嚴勅六丁，刻湘為硯嶽為屏。
照青疊秀俱來會，唯有中峰在杳冥。

僧居曉看一峰青，迥絕纖塵點畫屏。
會有片雲來觸石，江湖三日雨冥冥。

思南嶽呈運判承議

曾逐籃輿訪嬾殘，樓臺縈轉在峰巒。
銀燈夜向倪床拜，別殿晨披去葉看。
選勝危梯經叢竅，竄竄登高餘思凭。
欄干歸來認是游仙夢，過盡春風料峭寒。

和李時發春日見寄

聞道重湖路未通，悠然身在碧湘中。
崎嶇水國猶千里，牢落春花已半空。
江浪濺寒侵小睡，岳雲篩雨響疎篷。
君詩亦說清幽趣，便覺年來氣味同。

湘西

文園春晚病無聊，剩欲登臨散鬱陶。
遠野輸涼來宴坐，長岡傾秀入詩毫。
輕明物態歸仙境，咫尺城闈限海濤。
勝事滿前難記憶，戲逢香草綴離騷。

留題毛成叔持月軒

明月來時遠騰，碧海東雲收萬里。
外人在一軒中，光涵池塘路涼生。
枕簟風相過，喜良夜莫放酒尊空。

贈長沙僧守節

花木重，鹿苑春蕭然。
一室坐安貧，真乘但要心知。
澆喜捨無如藥濟人，增損諸方精古。
窺尋六脉妙

通神長沙旅泊無聊賴詩乞刀圭養病身

次韻鄧慎思見寄

暫寄瀟湘百尺舡，誰論竈冷無煙城。
陰潦積朝慵出枕，底波鳴夜廢眠潭。
府更看花似錦，洞庭將泛水如天。
相期盡校蓬山藏，不祇東流將酒仙。

湘中阻風

夜泊湖南岾曉開，天北風愁雲來覆渚。
白浪起吞空甕，酒霞將薄瓶花錦帶紅鄰舟。
如隔海孤坐寂寥中。

二湘

斯文常絕息二子振波瀾
舊國清風在荒阡古水殘
蒼苔生閱宇斜日下長竿
求福今無數不將陳蔡看



